

菊
田
橫
梁
張
氏
族
譜

黃
石
公
社
橫
塘
大
隊

在文化大革命运动中
紅卫兵搜集出来

1966.11

序

譜何昉乎閭讀史而知成周立小史
以奠世系則凡世家公族皆著姓之
俾知其生生世世原本分支其
來尚矣至莫一

山二公深得其法後之言譚

宗之也余納祿家居樵於壺山之麓

蘭水之湄頻切負暄之念其如老何

忽聞剥啄稚子報言有客余肅而入

乃屬姻舊情深誼至鄉曰金沙張其姪

也茶後袖出其家乘丐言并首念姻

族弗得辭閱其先詳於世系本源至

入莆則自唐校書諱實公由永陽之

福

月洲始遷莆之安樂里橫塘居焉歷

唐宋元明嘉靖間有諱晚兒公由橫塘而

悅其地沃壤肥遂家于此有子學脩傳

今數世代紹箕裘亦云盛矣迨世孫

聲金等館其族叔將譜內繹出為本房

家乘詳其世系生卒墳墓婚嫁爵祿

齒德閨箴規約等事尚矣邈而至於

得姓受氏分居卜宅可謂原原委委得

後人一覽不遺其明晰無以加矣余
不禁致嘆若此者誠知所本詩曰昭
茲來許繩其祖武深有得於古人著
譜之義矣

晉

皇清乾隆十八年歲次癸酉中秋朔

日

賜進士第出身奉政大夫浙江道監

蔡御史協理河南道事壬戌科
會試監試官協理江南浙江山
西山東道事

覃恩勅授徵仕郎翰林檢討

克

武英殿纂脩官丁未科會試同考

試官翰林院庶吉士戶部陝西
清吏司主事江南司額外主事

年姻家眷第廖必琦頓首拜撰

莆陽橫渠張氏家乘

莆邑造士張安氏夙從予遊暨予拜官翰林以其叔良禮之命
抵書來請曰安家故有譜奕葉相承罔敢失墜而嘗思之是譜
為先德所係為族屬所關為子孫後世計者雖傳自先世訖今
不敢失然陵谷滄桑奕葉事殊安知來者之於今安能如今之
於昔乎願先生賜一言為譜重庶以告後之人焉余與安有師
弟之誼弗容辭按唐憲宗朝校書張實公有祖自兗州固始入
閩遷永福由校書遷興化莆田壺山下之橫塘至今傳世有二
十矣登仕版者代不乏人若松宋太祖朝為殿前都設宴將軍
禧登貢元官國學師天民授國諭鸞授滁州文學光為大理評
事剛為御史中丞瑛授宣教郎則任廣東鹽運幹使斗南登閩
省元陞朝散郎松為直學士茂洪為鹽稅使泰為南劍滄峽巡

鹽使王潤登漕元授登仕郎琰孫授提刑鹽鎮使得傳以明經
授府職紆青曳紫前後相輝其或在家素食亦皆誦詩讀書蹈
道秉禮克以行誼率先于鄉閭衍慶流光後將益大矣今之子
姓群居祖父子孫之列者合族指凡若干噫張之世澤遠矣其
宗胄碩矣然族之有譜非夸門第也將為尊祖睦族計也故為
張氏之子孫計者觀夫系之所由始由身而父而祖而曾而高
等而上之莫不有本也則尊祖之美不可忘觀夫派之所由分
由一而十而百而千而萬推而極之同是一氣也則睦族之誼
不可廢若是則譜之所存其係於夷倫大矣苟使漠焉於其所
自出而曠焉於其所同生思愛情疏孝敬道絕殆恐斯譜之傳
亦其文耳昔人談世家舊族者必曰文獻安之請蓋惧之逸也
余以為獻之所存又為文之所係故拳拳以尊祖睦族之意為

言後有繼者宜徵于斯

皆

永樂戊子歲仲秋朔日

賜進士及第翰林院侍講承直郎邑人林

環拜書

張氏世系本源紀考

吾家得姓本於軒轅黃帝帝之妃彤魚生揮揮生青陽為子正
觀弧星始制弓天主祀弧遂以張為姓其原蓋出於此在周有
張仲張丑春秋有張老戰國有張儀在漢有張良佐高帝定天
下封留侯侯之孫皓皓之子綱奏大將軍梁冀奸惡十五事綱
子續孫曾翼晉司空杜武公華忠於王室著博物志子齊已生
奕武奕武生提提生惔惔生業行業生中立中立生玄極玄
極生端端生守禮守禮生君政君政生胄胄生弘愈因官家韶
州弘愈生九齡唐賢相進千秋金鑑錄封曲江伯諸子睦公入
閩以平事同三品總督番舶兼領權貨務事用是疏通港道裕
國惠民廷議論功當受上賞遂封為王鎮于閩中民頌其德立
廟祀之今省城東街鳳池坊口扁曰權貨王金華廟是也公三

子皆貴長曰廉授殿前御史守舊居次曰膺為都指揮使遷永
福縣和平鄉感應里月洲之前居焉三曰賡為御史中丞亦居
月洲傳孫實官秘書省校書郎復卜居于莆之壺山下安樂里
其地曰橫塘五傳松公宋太祖建隆初官殿前都宴軍將松生
盈文鎮為本派文鎮生求來采俱寓泉州求為本派生祐祐生
邁進邁本派邁生鵬鵬生梧山梧山生檀檀生立本

唐校書實公傳

公諱實字充美行十體貌魁頽文章宗匠不世出才也唐憲宗
元和間進士官秘書省校書郎祖睦公字仲雍由光州固始縣
孝悌鄉忠化里籍自肅宗乾元時拔戡入閩授上三品摠督番
舶兼領權貨務事用是疏通港道護國惠民廷議論功當受上
賞遂封為王鎮于閩中斯民樂頌其德乃相與立廟祀之即今
省城東街鳳池坊口扁曰權貨王金華廟是也公三子皆貴孟
曰廉授殿前御史守舊居叔曰膺為都揮使遷居于月洲之後
季曰賡為御史中丞賡傳之孫即我校書實公因歸閩選勝復
卜居于興化莆田安樂里離城東二十里許其地曰橫塘而止
焉今以校書為吾張之始祖有自來矣即其燕詒開拓諗植風
水莫非為子孫長久計也計今屈指聚族殆將千百年源源未

父也語曰張氏世德流慶不亦信然乎哉

科甲簪纓錄

唐

張九齡

字子壽父為召州別駕卒于官遂曲江家焉七歲能文
後擢進士又以道侔伊呂科高第為中書舍人為詞人
之冠時號為文場元帥遷左拾遺玄宗千秋節群臣皆
獻寶玩九齡行述前代興廢之源謂之千秋金鑑錄以
伸諷諫累遷中書侍郎嘗抑李林甫又為所擠罷相家
居卒天下稱為曲江而不名玄宗嘗早朝謂左右曰每
見九齡精神挺生九齡雖罷每拜相帝輒問曰風度如
九齡否初張子珪斬契丹王屈烈及可突于工美子珪
之功欲以為相九齡曰宰相代天理物非賞功之官也
上曰假以名不任其職可乎對曰惟名與器人君所司
不可假人子珪纔破契丹即以為相若盡滅突厥將以
何官賞之乎帝不能奪九齡少時養群鵠與親知書則
依教往授之謂之飛奴初祿山失律表師守珪欲誅之
玄宗惜其才特命宥之九齡固爭批云穰苴誅壯賈孫
武斬宮嬪守珪軍令若行祿山不宜免死且觀其貌有
反相不殺必為患上竟不從後祿山反上幸蜀思九齡
先見之明為之流涕遣使往曲江祭之厚卹其家及祿
山滅追封始興伯謚文獻

張九舉

九齡弟歷官宋襄廣三州刺史
殿中監閩越節度使

張九章

九齡弟歷官溫吉曹三州刺史
天寶中拜嶺南節度使

張抗

九齡子官侍御史

張仲方

抗子擢進士官諫議大夫祕監崔發因中使上怒繫之
獄仲方諫曰洪恩將布於天下而不行御前沛澤徧及
于昆虫而獨遺崔發卒贈禮部尚書賜諡曰成

張捍

仲方孫官建陽令遂家焉為入閩始祖

張思永

官通州刺史

張察

官諫議大夫

張實

元和進士崇文館脩撰遷秘書省
校書郎莆田橫塘始祖

宋

張松

太祖建隆初官殿前都宴設軍將

張元龜

真宗大中祥符四年辛亥登
張師德榜進士官秘書郎

張式

字景則聖天五年丁卯登王克臣榜進士調將樂縣主
簿縣有銀冶坐歲課不足繫者常數百人式籍其人使

貧富相兼亡者釋之課更以羨歷知古田縣遷太博士
知咸縣呂許公夷簡罷相以許州觀察推官辟之尋擇
河北吏當道者舉式知洛州又以選知虔州三司市舶
絹十餘萬足非經數拒而弗市後濠壽二州有清操傳
山河志等書

張平叔

仁宗景祐元年甲戌登
張唐卿榜進士任推官

張禧

仁宗至和間試省元官國學師

張國

神宗元豐二年己未諸科

張天民

神宗熙寧間官國諭

張鸞

哲宗元祐中官滁州文學

張孝

徽宗大觀三年己丑登賈安宅榜
進士官金紫光祿大夫

張軹

徽宗政和二年壬辰登模儔榜進士官
福州通判承議郎賜五品服

張光

徽宗宣和中官大理寺評事

張瑛

徽宗宣和中官宣教郎